



## **Universitätsbibliothek Paderborn**

### **Biennii Peripatetici**

Complectens Quæstiones Logicales Una Cum Institutionibus Dialecticis Ad  
Antiquorum Recentiorumque Mentem Resolutas, Nec Non Juxta Modernam  
Scholarum Peripateticarum Methodum Elaboratas & Explicatas

**Kretz, Marquard**

**Heripoli, 1749**

Articul. II. Inquiritur, utrum Judicium sit actus Intellectus, an voluntatis?

[urn:nbn:de:hbz:466:1-52248](#)

vel abnūtu, si illud ut artefactum logicum, sive praetibūs logicis quomodo cunque concurrentibus sumatur: Ipsae tamen apprehensiones non sunt partes ipsius annutū; sed sunt vel quasi causæ, vel objectum quo, quia iis tanquam terminis prærequisitis intellectus de eorum objectis fert sententiam. *Inst. 5.* Audiens successivè proferri hanc propositionem: *Audaces fortuna juvat,* format tres apprehensiones subjecti scilicet, prædicati, & copulæ; ergo judicium componitur ex pluribus. *R. N. Conf.* Vel enim audiens sistit in tria hac apprehensione, & tunc non formabit judicium. Vel affirmat, aut negat allatam propositionem, & tunc in illo annutu, vel abnūtu consistit judicium. *Inst. 6.* Essentia hominis non consistit in solo corpore, nec in sola anima, nec in sola unione; ergo nec essentia judicii consistit in sola copula. *R. N. Conf. Disp. est:* Quia homo est compositum physicum constans ex materia, & forma; ergo haec tanquam partes includit. Econtra judicium est tantum annutus, vel abnūtu; ergo non includit subjectum, & prædicatum, cum haec non sint ipse annutus, vel abnūtu; sed sint ea, quæ per annutum ununtur, & per abnūtu separantur.

## ARTICULUS II.

*Inquiritur, utrum Judicium sit actus Intellectus, an voluntatis?*

534. **N**ota. Communis est sapientissimorum virorum doctrina, Judicium ad intellectum, non ad voluntatem spectare; imò ex Neo-

Neotericis non pauci eandem cum antiquioribus  
hac in re sententiam tenent. Contra hos Neo-  
tericorum quidam in arenam descendunt ; non  
omnes tamen eundem pugnandi modum usur-  
pant. Alii enim judicium præcisè operationem  
mentis appellant, utrùm autem voluntatis, utrùm  
intellectus sit actus, non clarè decidunt. Alii ve-  
rò judicium non intellectus actum, sed voluntatis  
esse apertè tuentur, ut legere est apud Purchotio  
*p. 2. Metaph. Sect. 3. cap. 5. Prop. 1. § p. 2.*  
*Logicæ Sect. 1. cap. 1.* Ratio horum est ; quia ju-  
dicium est posterius cognitione ; ex quo porrò  
sic inferunt : ergo judicium non est cognitio ; er-  
go nec pertinet ad intellectum, qui est potentia  
cognoscitiva ; sed ad voluntatem, quæ per judi-  
cium aliquid approbat, vel improbat. Contra hos.

§ 35. *Dico.* Judicium non est actus voluntatis,  
sed intellectus. *Ratio est 1.* Actus voluntatis de-  
bet esse prosecutivus boni, & averfativus mali ;  
sed judicium non est prosecutivum boni, & aver-  
fativum mali ; ergo non est actus volunta-  
tis. *Major desumpta est ex Purchotio, qui*  
*p. 12. Metaph. Sect. 3. cap. 5.* voluntatem ita  
definit : *Est facultas, quæ bonum generatim ab*  
*intellectu exhibitum prosequitur, & malum averfa-*  
*tur.* *Minor ita probatur :* Hæc sunt judicia : *Pec-*  
*catum est fugiendum ; Virtus est amplectenda ; Sed*  
hæc non appetunt seu prosequuntur bonum ;  
nec aversantur, aut fugiunt malum ; ergo. *Mi-*  
*nor inde constat,* quia stantibus etiam his judiciis,  
non pauci nil magis aversantur & fugiunt, quam  
virtutem, & econtrà nil magis appetunt, quam  
pecca-

peccatum. Accedit, quod si quis præfata judicia formando poneret actus voluntatis, ergo haberet actus virtutis moralis meritorios; cùm alter esset actus voluntatis liber, & prosecutivus boni; alter verò esset actus liberaversativus mali; quæ tamen falsissima esse exinde liquet; quod plures inveterati peccatores ejusmodi judicia formantes ex malitia potius, quam ex fragilitate labantur.

*Ratio est 2.* Perceptio veri, ut tenet Parchotius, spectat ad intellectum; ergo ad eundem quoque pertinet affirmatio veri, & negatio falsi. Sicut enim ipsum bonum est objectum voluntatis, ita ipsum verum, & non tantum modus versandi circa verum, est objectum intellectus. Ex quo præterea sequitur, quod affirmatio veri non sit prosecutio boni, nec negatio falsi sit fuga mali; alias affirmatio esset volitio, & negatio esset nolitio; quod tamen falsum esse ex paulò ante dictis satis probari putem. Plura ad confirmationem hujus theses desumes ex sequentibus, in quibus Adversariorum objectiones solvemus.

536. *Obj.* Judicium est posterius perceptione ideæ, sive cognitione; ergo non est cognitio, & consequenter non est actus intellectus. *R. D. ant.* Est posterius omni cognitione. *N. aliquâ. C.* Utique judicium præbias habet apprehensiones, sive perceptiones objectorum; ex quo autem non sequitur, quod ipsum judicium non sit cognitio à nuda perceptione distincta. *Inst. i.* Judicium affirmativum est approbatio, negativum est improbatio, sed hæc pertinent ad voluntatem; ergo *R. N. min.*

min. Ad voluntatem enim non tam *approbatio*, & *improbatio*, quām *appetitus*, seu *prosecutio boni*, & *fuga* sive *aversio à malo* spectat. R. 2. D. maj. Judicium est *approbatio* sub ratione veri, & *improbatio* sub ratione falsi. C. sub ratione boni, vel mali. N. Judicium est *assensus* vero, vel *dissensus* falso præstitutus sub ratione veri, vel falsi; quod certè ad intellectum spectat, sicut juxta ipsos Adversarios *perceptio* veri ad eundem pertinet. Inst. 2. Voluntas imperat assensum vel dissensum; ergo judicium est actus voluntatis. R. N. Conf. Sed sic deberes inferre: ergo imperium assensū, vel judicii est actus voluntatis, non autem ipsum judicium. Hoc enim est quidem actus imperatus à voluntate, sed elicitus ab intellectu: Nam voluntas non inflectit se ipsam in partem affirmantem, aut negantem, sed inflectit intellectum; sive mens ut volens inflectit se ipsam ut intelligentem ad affirmationem, vel negationem propter convenientiam, vel disconvenientiam Objectorum, seu idearum. Inst. 3. Teste S. Augustino lib. de Prædestinatione Sanct. Fides, quae perceptionem simul, & judicium complectitur, est in voluntate; ergo. R. 1. Ergo etiam perceptio veri erit actus voluntatis, quod tamen est contra Adversarios. R. 2. D. Ant. Fides est in voluntate quoad imperium, & piam affectionem, à qua fides divina libera denominatur. C. Fides est in voluntate, i.e. actus elicitus à voluntate. N. Responsio hæc desumpta est ex ipso S. Aug. qui lib. 1. de Prædest. Ss. cap. 2. hæc habet: *Ipsum credere, nihil aliud est, quām cum assensione cogi-*

*cogitare . . . cogitat omnis, qui credit, & cogitando credit. Subsumo. Sed cogitatio est actus intellectus; quandoquidem voluntas præter volitiones & nolitiones alios actus non habet; ergo. Responsonem supra datam confirmat D. Thomas 2. 2. q. 2. a. 1. ad 3. his verbis: Intellectus creditis determinatur ad unum non per rationem, sed per voluntatem; & ideo assensus hic accipitur pro actu intellectus, secundum quod à voluntate determinatur ad unum. & q. 4. a. 1. in O. sic ait: Fides est habitus mentis . . . faciens intellectum assentire non apparentibus; per hoc autem fides ab omnibus aliis distinguitur, quod ad intellectum pertinet. Ecce quām manifeste & sanctissimi & doctissimi viri nobiscum sentiant!*

### ARTICULUS III.

*De Fontibus, ex quibus errores in judicio nostra profluunt, & de remediis, quibus obstruendi.*

537. **D**ico. Quatuor sunt causæ præcipuae, quæ judicia nostra erronea reddunt. *Prima est: Defectuosa rerum perceptio; si nimis aut obscuris, aut confusis, aut falsis omnino rerum ideis laboremus. Cùm enim judicium ideas, & rerum perceptiones sequatur, hinc ex ideis malè formatis judicium verum justumque nequit dimanare. Exemplis res fiet clarior. Mens nostra sæpè sensibus exterioribus decepta in se plura apprehendit ut unum, & vice versa unum, ut plura: has apprehensiones si intellectus in judicando sequatur, quid nî à veritate aberret? Item subinde percipit unum pro altero, v. g.*

*gem-*